

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KTK 0044111 21
Zenica, 08.11.2023. godine

OPŠTINSKOM SUDU U VISOKOM

- Sudiji za prethodno saslušanje -

Nakon provedene istrage, a na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (*Službene novine Federacije BiH*, broj: 35/03, 37/03, 56/03, 78/04, 28/05, 55/06, 27/07, 53/07, 9/09, 12/10 i 8/13, 59/14)¹, **p o d i ž e m**

O P T U Ź N I C U

Protiv,

- 1. Pašalić-Mirčić Draženke**, rođena 1968. godine u Tuzli, neosuđivana,
- 2. Brkić Tajibe**, rođena 1959. godine u Kamenici, neosuđivana,

Što su:

u vremenskom periodu od 01.09.2015. godine do 31.05.2016. godine, na području opštine Vareš, zajednički, kao odgovorne osobe, Brkić Tajiba kao glavna medicinska sestra, raspoređena na radno mjesto unutar Službe za zdravstvenu zaštitu žena, a koja je postupala protivno članu 13. stav 1. alineja 10 i 17. Pravilnika o unutrašnjoj organizaciji i sistematizaciji radnih mjesta broj ... od 29.07.2015. godine, prema kojem je bila ovlaštena i dužna da doprinosi uspješnom poslovanju zdravstvene organizacije i dužna da poznaje sve važeće akte JU Dom zdravlja Vareš i

¹ U daljem tekstu - ZKP FBiH.

da se pridržava svih propisa, uputstava i naredbi i da ih u cijelosti provodi za šta je odgovorna, i Draženka Pašalić-Mirčić kao pomoćnik direktora, a koja je postupala protivno članu 1. alineja 1. i 3. Pravilnika o unutrašnjoj organizaciji i sistematizaciji radnih mjesta broj ... od 29.07.2015. godine, prema kojim je bila ovlaštena da organizuje i rukovodi radom Ustanove, te je odgovorna za zakonitost rada Ustanove, i to tako što su, nakon što je O. F. zbog zdravstvenih razloga bio primoran na odsustvovanje sa rada u navedenom periodu, te nije uopće dolazio na radno mjesto, pri čemu nije koristio plaćeno ili neplaćeno odsustvo, Draženka Pašalić-Mirčić i Brkić Tajiba omogućile isplatu plaća i naknada za O. F. u periodu njegovog odsustva, na način da je Brkić Tajiba u mjesečnu knjigu satnica unosila podatke o prisustvu na radnom mjestu O. F., te sačinjavala Izvještaje o izrađenim satima radnika u Službi za zdravstvenu zaštitu žena, koje izvještaje je ista potpisivala kao i Draženka Pašalić-Mirčić, na osnovu kojih evidencija je služba zajedničkih poslova vršila mjesečni obračun plaća i pripadajućih naknada za O. F., isplatu kojih je zatim Draženka Pašalić-Mirčić odobraval, a O. F. primao, a sve iako su bili svjesni da O. F. u naznačenom periodu nije uopće dolazio na posao niti je na poslu provodio puno radno vrijeme koje je propisano u članu 13. Pravilnika o radu broj ...od 29.07.2015. godine sa izmjenama shodno Odluci Upravnog odbora broj ... od 03.08.2015. godine, niti je bio na bolovanju odnosno plaćenom odsustvu, te da mu na ovakav način omogućavaju isplatu plaća i naknada za rad koji nije obavio, što su i htjele, pa je O.F.tako isplaćeno 17.117,99 KM na ime plaće i na ime toplog obroka više od iznosa na koji je imao pravo, pa su mu tako pribavili korist u ukupnom iznosu od 17.117,99 KM, za koji iznos je istovremeno oštećen JU Dom zdravlja Vareš,

čime su učinile krivično djelo „Zloupotreba položaja ili ovlaštenja“ iz člana 383. stav 2. u vezi sa stavom 1. Krivičnog zakona Federacije Bosne i Hercegovine (KZ F BiH), u vezi sa članom 31. KZ F BiH.